

Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

IV. Summus Pontifex rerum in Concilio Oecumenico sancendarum auctor esse debet, ad exemplum Principum Romanorum. Probatur ex Marciano Imperatore in epistola ad Leonem, & Pulcheria Augusta. Duæ ...

urn:nbn:de:hbz:466:1-15617

rantia aut errore prolapso sunt, correctionis remedium consulatur. Et alius literis Pulcheriam rogat, ut si qui à confessione fidei dissidentiant, quam ipse explicuerat, synodum cogi procuret: *Aqua (id est, fidei confessione) si forsitan ab aliquibus discreparatur, universale Concilium Sacerdotum haberi intra Italiam clementia vestra annuente jubeatur; quo remota arte fallendi, tandem pateat quid altiore tractatu autocæreri debet, aut sanari.* Noverat prudenter illus Pontifex definiendi auctoritate, qua vigebat, Episcopos populūmque Christianum non adstringi tanquam indubitata fidei regula, nisi accederet per provincialium Episcoporum subscriptiones universalis Ecclesiae confessus, vel reculantibus plerisque unius confessionis concordiam, Synodi Oecumenice publica professio Pontificis definitionem amplectetur. Verissimè enim observatum est à Quinta Synodo, (quæ factum Vigilij non probat, quod præsente Oecumenica Synodo, seorsim ab illa Constitutum suum de rebus propositis à Iustiniano edere volebat) Apostolos docuisse in rebus fidei communem tractatum esse necessarium. *Licit enim, inquit illi in definitione fidei, sancti Spiritus gratia & circa singulos Apostolos abundaret, ut non indigerent alieno consilio ad ea que agenda erant; non tamen aliter voluerunt de eo quod movebatur, si portaret gentes circumcidiri, definire, priusquam communiter congregati, divinarum scripturarum testimonii unusquisque sua dicta confirmarunt. Vnde communiter de eo sententiam protulerunt, ad gentes scribentes: Viximus eis Spiritui sancto & nobis &c.*

I. Sanè quænam futura sit Summi Pontificis potestas in Concilio Oecumenico, facile animadverti potest. Nempe rerum gerendarum & sanciendarum auctor esse debet, quemadmodum Senatus consulta olim in Imperio siebant auctore Principe. Vnde Marcianus Augustus de proposito suo cōgenda synodi ad Leonem ita scribit, ut eo auctore illam celebrare velit, id est, eodem jure quo Principes Senatui auctores siebant aliquid censendi. Si cui autem sublesta & frivola videatur hæc interpretatio, nolim mihi succenseat, sed ipsi Marciāno, qui planis & disertis verbis sic Pontificis auctoritatem expressit, ut Leoni definiendi secundum canones ius tribuat, & synodo sua quoque constitutione declarandi. *Si vero hoc onerosum est ut tu ad has partes advenias, hoc ipsum nobis propriis literis tua sanctitas manifestet: quatenus in omnem Orientem, & in ipsam Thraciam, & Illyricum, sacra nostra litera dirigantur, ut ad quendam diffinatum locum, ubi nobis placuerit, omnes sanctissimi Episcopi debeat convenire, & que Christianorum religioni atque catholice fidei pro-*

Tom. II.

sint, sicut sanctitas tua secundum ecclesiasticas regulas diffiniverit, sua dispositione declarent. Quæ paraphrastice concepit Marcianus, in unum verbum contraxit Pulcheria Augusta, eadem de re loquens in epistola ad Leonem; nempe, ut eo auctore decernant Episcopi: *Facto Concilio, & de catholica confessione, & de his Episcopis qui ante hoc segregati sunt, sicut fides & Christiana pietas exigit, te auctore decernant.* Itaque quemadmodum in Senatus-consultis olim, sic in Synodi Chalcedonensis decretis dua auctoritates in unam sententiam confluebant. Altera Leonis, qui non solum censem, sed etiam referebat ad synodum cum prærogativa suffragij; altera synodi, quæ suis quoque suffragiis orationem seu epistolam Leonis confirmabat; ita ut ex hac confessione irretractabilis rerum proportionarum definitio consequeretur.

V. Quemadmodum autem relationis imperiorum haec erat necessaria & velut innata conditio, ut rectæ rationis præscriptum sequeretur, atque utilitat publicæ consuleret, vel sane non incommodaret, (qua de re libera erant Senatorum suffragia) ita quoque relationis pontificia pars erant ut in fide & pace Ecclesiarum constituenda, à scripturis, à canonibus, & à traditione majorum nullo pacto discederetur. Quare illud anxiè à synodo disquirebatur, an Pontificum epistola cum scripturis & canonibus congrueret; ut ita demum auctoritate illius omnes tenentur, atque duobus veluti vinculis in fide confirmati essent, definitione Pontificis, & declaratione synodi. Hic est Marciani sensus, cùm scripsit illa quæ à Leone secundum ecclesiasticos canones definitur, à synodo declaratum iri. Sanè cùm semel traditæ fidei hærendum sit, ut docet Iudas Apostolus, hinc sequitur eam esse fidei Christianæ rationem, ut vetera eruantur, non autem nova condantur, quemadmodum recte monuit Vincentius Lirinenis. Quare Summus Pontifex & Synodi Oecumenicae in id totis viribus incumbunt, ut veritatem fidei adversus hæresēon novitates decretis suis post consultationes accuratas constanter vindicent. In afferenda autem veritate, Romanæ sedis antistes primam & maximam accepit potestatem, & pro veritate plus ceteris consacerdotibus potest, ut loquar cum Fa-

Vide locum F. 4.
cundi lib. 2. far.
Diff. c. 15. f. 10.

D